

# PIAWAIAN PROSEDUR OPERASI (Standard Operation Procedure)

PELAKSANAAN PENGUATKUASAAN PENGIMPORTAN DAN PENGEKSPORTAN KELUARAN PERTANIAN DI BAWAH PERATURAN-PERATURAN LEMBAGA PEMASARAN PERTANIAN PERSEKUTUAN (PENGGREDAN, PEMBUNGKUSAN DAN PELABELAN KELUARAN PERTANIAN) 2008

### 1.0 Pendahuluan

Skop bagi pelaksanaan piawaian ini merangkumi Perakuan Pematuhan Keluaran Pertanian import dan eksport oleh Lembaga Pemasaran Pertanian Persekutuan (FAMA) secara elektronik iaitu melalui sistem eSijil 3P.

SOP ini disediakan sebagai satu rujukan untuk membolehkan pelaksanaan ini berjalan dengan lancar. Ia boleh dipinda mengikut keadaan semasa bergantung kepada keperluan-keperluan baru jika dikenalpasti.

### 1.1 Latarbelakang

FAMA telah dipertanggungjawabkan untuk menyelaras aktiviti-aktiviti pemasaran pertanian sama ada melibatkan pihak swasta atau jabatan/agensi kerajaan dan ianya menjurus kepada pemasaran keluaran pertanian yang segar, berkualiti serta selamat dimakan. Berpandukan fungsi berkenaan, FAMA telah memperkenalkan program Amalan 3P iaitu Penggredan, Pembungkusan dan Pelabelan, untuk dipraktikkan dalam semua peringkat urusan pemasaran hasil-hasil pertanian di pasaran tempatan dan juga eksport.

Lanjutan daripada itu, program Amalan 3P FAMA telah diwartakan menjad Undang-Undang Malaysia pada 18hb Ogos 2008 sebagai Peraturan-Peraturan Lembaga Pemasaran Pertanian Persekutuan (Penggredan, Pembungkusan dan Pelabelan Keluaran Pertanian) 2008.

Melalui amalan Penggredan dan Pembungkusan yang baik, kualiti keluaran pertanian dapat dipertingkatkan berdasarkan permintaan pelanggan dan juga sector pasaran di samping memberikan pulangan yang lebih baik kepada pengeluar. Amalan Pelabelan pula akan membekalkan maklumat sumber bekalan yang lengkap dan tepat sebagai jaminan keselamatan makanan di dalam penguatkuasaan Akta Makanan 1983.

### 1.2 Terminologi

- 1.2.1 "3P" merujuk kepada Peraturan-peraturan Lembaga Pemasaran Pertanian Persekutuan (Penggredan, Pembungkusan dan Pelabelan Keluaran Pertanian) 2008 yang mengandungi perkataan-perkataan "Penggredan", "Pembungkusan" dan "Pelabelan". Bagi memudahkan menyebut peraturan ini perkataan "3P" digunakan.
- 1.2.2 "Gred" merujuk kepada spesifikasi gred Malaysian Standard (MS). Jika sesuatu keluaran pertanian tiada spesifikasi MS, standard gred negara asal hendaklah diguna pakai atau suatu standard gred yang dinyatakan oleh FAMA dari semasa ke semasa.
- 1.2.3 "Pembungkusan" merujuk kepada kehendak pembungkusan seperti berikut:
  - Bungkusan mempunyai ukuran bersesuaian dengan kuantiti keluaran pertanian yang dibungkus:
  - Mengandungi keluaran pertanian daripada jenis dan standard gred yang sama;
  - Tidak melebihi 30 kilogram;
  - Memenuhi ciri-ciri kualiti, kebersihan dan ketahanan supaya memberi perlindungan yang maksimum daripada apa-apa kerosakan kepada keluaran pertanian semasa pengendalian dan pengangkutan; dan
  - Diperbuat daripada bahan yang tidak boleh memberi kesan buruk kepada keluaran pertanian yang dibungkus didalamnya; dan

- Sesuatu pembungkusan yang telah ditanda/dilekat padanya dan hendak digunakan semula, mestilah dipadam dan ditanggalkan label sediada sebelum digunakan.
- 1.2.4 "Label" merujuk kepada sesuatu label, samada ditandakan atau dilekat mengikut kehendak-kehendak seperti berikut:-
  - Bersaiz TIDAK kurang dari 11sm x 7sm;
  - Dilekat/diletakkan dengan kemas dan mudah dilihat di permukaan atas atau sisi bungkusan; dan

Label hendaklah mengandungi butir-butir kebolehkesanan seperti berikut:-

- Nama dan alamat perniagaan pengimport, pengeksport, ejen, pengeluar atau pengedar, mana-mana yang berkenaan, keluaran pertanian;
- Nama biasa keluaran pertanian;
- Standard gred keluaran pertanian;
- Saiz keluaran pertanian;
- Negara asal keluaran pertanian;
- Berat bungkusan keluaran pertanian; dan
- Perkataan "Produce of Malaysia", jika keluaran pertanian itu hendak dieksport.

Butir-butir tersebut hendaklah ditanda:-

- Supaya mudah dibaca dan tahan lama;
- Saiz huruf TIDAK kecil daripada 20 poin;
- Dalam Bahasa Kebangsaan dan boleh termasuk apa-apa terjemahan dalam apa-apa bahasa lain (bagi pasaran tempatan);
- Dalam Bahasa Inggeris dan boleh termasuk apa-apa terjemahan dalam apa-apa bahasa lain (bagi keluaran pertanian dieksport); dan
- Dalam Bahasa Kebangsaan (bagi keluaran pertanian diimport)
- 1.2.5 Jenis-jenis komoditi yang dikehendaki mematuhi 3P adalah seperti berikut:-
  - Sayur-sayuran segar
  - Buah-buahan segar
  - Keratan bunga segar
  - Kekacang
  - Kekeras
  - Bijirin
  - Tebu

Untuk maklumat lanjut, sila rujuk Jadual Pertama (Peraturan 2) Peraturan-Peraturan Lembaga Pemasaran Pertanian Persekutuan (Penggredan, Pembungkusan dan Pelabelan Keluaran Pertanian) 2008.

1.2.6 "COC" merujuk kepada suatu Perakuan Pematuhan Keluaran Pertanian yang Dieksport/Diimport (*Certification of Conformity of Agricultural Produce for Export/Import*). COC bagi tujuan eksport akan dikeluarkan oleh pihak FAMA. Walaubagaimanapun bagi tujuan import pegawai-pegawai MAQIS yang akan membuat pengeluaran COC bagi pihak FAMA. Contoh COC seperti lampiran A.

- 1.2.7 Pengguna merujuk kepada pengimport, pengeksport dan ejen-ejen yang berdaftar dengan eSijil 3P.
- 1.2.8 Teknikal merujuk kepada item-item yang berkaitan dengan sistem komputer termasuk perkakasan, perisian, pangkalan data dan rangkaian komunikasi.

### 1.3 Rujukan Undang-Undang

- 1.3.1 Peraturan-peraturan Lembaga Pemasaran Pertanian Persekutuan (Penggredan, Pembungkusan dan Pelabelan Keluaran Pertanian) 2008
- 1.3.2 Perintah Kastam (Larangan Mengenai Import) 2008
- 1.3.3 Perintah Kastam (Larangan Mengenai Eksport) 2008
- 1.3.4 Akta Perkhidmatan Kuaratin dan Pemeriksaan Malaysia (MAQIS) 2010

### 2.0 Objektif

Menentukan setiap keluaran pertanian yang diimport dan dieksport mematuhi kehendak-kehendak standard gred, pembungkusan dan pelabelan.

### 3.0 Prosedur Pengimportan/Pengeksportan Keluaran Pertanian:

- 3.1 Mulai 01 Julai 2011, pengimportan keluaran pertanian sepertimana yang dinyatakan di ruang (2) dan (3) Bahagian II, Jadual Keempat, Perintah Kastam (Larangan Mengenai Import) 2008 yang berasal dari semua negara adalah dilarang kecuali dengan cara yang diperuntukkan dalam ruang (5) Jadual tersebut.
- 3.2 Mulai 01 Julai 2011, pengeksportan keluaran pertanian sepertimana yang dinyatakan di ruang (2) dan (3), Jadual Ketiga, Perintah Kastam (Larangan Mengenai Eksport) 2008 yang berasal dari Malaysia adalah dilarang kecuali dengan cara yang diperuntukkan dalam ruang (4) Jadual tersebut.
- 3.3 Setiap pengimportan dan pengeksportan keluaran pertanian seperti yang dinyatakan dalam Perintah tersebut di atas hendaklah disertakan dengan dokumen-dokumen seperti berikut:
  - Certificate of Conformance (COC); atau
  - Surat pengecualian daripada FAMA

### Seksyen A Prosedur Operasi Piawai

### 1.0 Penggunaan Sistem

#### 1.1 Pendaftaran

Pengguna perlu mendaftar di sistem eSijil 3P (http://www.e3p.fama.gov.my) untuk mendapatkan nama pengguna dan katalaluan.

Pengguna perlu memuatnaik dokumen yang diperlukan ke dalam sistem untuk penyemakan oleh pihak FAMA.

Dokumen yang diperlukan adalah:-

- Sijil Pendaftaran Syarikat atau
- Sijil Pendaftaran Perniagaan atau
- Sijil Pendaftaran Pertubuhan

Pendaftaran sistem eSijil 3P akan disemak dan diluluskan oleh pegawai FAMA sebanyak 2 kali sehari pada pukul 9.00 pagi dan 5.00 petang setiap hari bekerja (Isnin - Jumaat).

Pendaftaran sistem eSijil 3P yang diterima selepas pukul 5.00 petang akan diproses pada hari bekerja yang berikutnya.

Pendaftaran sistem eSijil 3P tidak akan diproses pada hari cuti am dan hari kelepasan.

### 1.2 Permohonan COC Eksport

### 1.2.1 Permohonan

Pengeksport/Ejen memohon Perakuan Pematuhan 3P melalui sistem eSijil 3P (http://www.e3p.fama.gov.my).

Permohonan hendaklah dilakukan sekurang-kurangnya 1 hari (24 jam) bekerja sebelum Tarikh Dijangka Bertolak (ETD – "Estimated Time of Departure") bagi eksport.

Jika permohonan kurang daripada 1 hari (24 jam) bekerja, kadar Fi yang dikenakan tertakluk kepada Bahagian 2 Jadual Keempat Peraturan 3P.

- 1.2.2 Pengguna perlu memuatnaik dokumen yang diperlukan ke dalam sistem untuk penyemakan oleh pihak FAMA. Dokumen yang diperlukan adalah:-
  - Borang Kastam no.1 (K1) bagi eksport semula sahaja
  - Sijil Tempasal (Certificate of Origin) semasa pengimportan bagi eksport semula
  - Permit Eksport
  - Dokumen-dokumen lain bagi menyokong permohonan

1.2.3 Permohonan eksport sistem eSijil 3P akan disemak oleh pegawai FAMA mengikut hari dan waktu bekerja, dari jam 9.00 pagi hingga 5.00 petang dan bergantung pada tempat dan lokasi pejabat FAMA.

Permohonan eksport sistem eSijil 3P yang diterima selepas pukul 5.00 petang akan diproses pada hari bekerja yang berikutnya.

Permohonan eksport sistem eSijil 3P tidak akan diproses pada hari cuti am dan hari kelepasan.

- 1.2.4 Pengguna akan dimaklumkan status permohonan melalui email dan sistem eSijil 3P.
- 1.2.5 Pembayaran Fi pemeriksaan pematuhan boleh dibuat secara online. Kadar Fi yang dikenakan adalah mengikut Jadual Ketiga dan Jadual Keempat Peraturan 3P.
- 1.2.6 Setelah pembayaran dilakukan:
  - a. Permohonan akan disahkan oleh pegawai FAMA jika tidak memerlukan pemeriksaan fizikal.
  - b. Jika permohonan terpilih untuk pemeriksaan fizikal, pegawai FAMA akan melakukan pemeriksaan di premis yang diuruskan oleh FAMA atau premis pengguna pada tarikh dan masa yang dipohon oleh pengguna.(Sila rujuk Piawaian Prosedur Pemeriksaan Fizikal)
- 1.2.7 Jika permohonan tidak memenuhi Peraturan 3P, FAMA berhak menolak permohonan tersebut. Pengguna boleh membuat permohonan semula.
- 1.2.8 Sijil Perakuan Pematuhan (COC) akan dikeluarkan bagi permohonan yang memenuhi Peraturan 3P.
- 1.2.9 Jika memerlukan permit, sistem akan menghantar maklumat eSijil 3P ke sistem ePermit dan pengguna boleh melengkapkan maklumat permit di sistem ePermit.
- 1.2.10 Pengguna boleh membuat pengikraran barang-barang secara elektronik kepada SMK menggunakan modul perisian K2("front-end software") yang dibekalkan oleh pihak Dagang Net.
- 1.2.11 Pegawai MAQIS akan membuat pemeriksaan Sijil Perakuan Pematuhan untuk pelepasan eksport.
- 1.2.12 Syarat-syarat tambahan bagi permohonan eksport melalui Sistem eSijil 3P
  - Sijil Perakuan Pematuhan dikeluarkan mengikut kategori keluaran pertanian.
  - Kategori keluaran pertanian yang berlainan hendaklah mendapatkan Sijil Perakuan Pematuhan yang berasingan.
  - Sijil Perakuan Pematuhan yang dikeluarkan hanya sah digunakan bagi sekali pengeksportan sahaja.

### 1.3 Permohonan COC Import

1.3.1 Permohonan

Pengimport/Ejen memohon Perakuan Pematuhan 3P melalui sistem eSijil 3P (http://www.e3p.fama.gov.my).

Permohonan hendaklah dilakukan sekurang-kurangnya 3 hari (72 jam) bekerja sebelum Tarikh Dijangka Sampai (ETA - "Estimated Time of Arrival") bagi import.

- 1.3.2 Pengguna perlu memuatnaik dokumen yang diperlukan ke dalam sistem untuk penyemakan oleh pihak MAQIS. Dokumen yang diperlukan adalah:-
  - Sijil Pengesahan Gred Negara Pengeksport
  - Permit Import
  - Inbois
  - "Bill of Lading/Airway Bill"
  - Manifest (jika perlu)
  - Borang Kastam No. 1 (K1)
  - Dokumen-dokumen lain bagi menyokong permohonan

Pihak MAQIS berhak menolak jika permohonan tidak lengkap.

1.3.3 Dokumen bagi permohonan import sistem eSijil 3P akan disemak oleh pegawai MAQIS mengikut hari dan waktu bekerja, dari jam 9.00 pagi hingga 5.00 petang.

Permohonan import sistem eSijil 3P yang diterima selepas pukul 5.00 petang akan diproses pada hari bekerja yang berikutnya.

Permohonan import sistem eSijil 3P tidak akan diproses pada hari cuti am dan hari kelepasan.

- 1.3.4 Pengguna akan dimaklumkan status permohonan melalui email dan sistem eSijil 3P.
- 1.3.5 Pembayaran Fi pemeriksaan pematuhan boleh dibuat secara online. Kadar Fi yang dikenakan adalah mengikut Jadual Ketiga dan Jadual Keempat Peraturan 3P.
- 1.3.6 Setelah pembayaran dilakukan, jika perlu Pegawai MAQIS akan melakukan pemeriksaan fizikal.
- 1.3.7 Pemeriksaan akan dilakukan oleh Pegawai MAQIS di pintu masuk. MAQIS berhak menolak dan melarang kemasukan dagangan yang tidak mematuhi 3P.
- 1.3.8 Sijil Perakuan Pematuhan (COC) akan dikeluarkan bagi permohonan yang memenuhi Peraturan 3P.
- 1.3.9 Jika memerlukan permit, sistem akan menghantar maklumat eSijil 3P ke sistem ePermit dan pengguna boleh melengkapkan maklumat permit di sistem ePermit.
- 1.3.10 Pegawai MAQIS akan mengeluarkan Sijil Perakuan Pematuhan untuk pelepasan import.
- 1.3.11 Syarat-syarat tambahan bagi permohonan import melalui Sistem eSijil 3P

- Sijil Perakuan Pematuhan dikeluarkan mengikut kategori keluaran pertanian.
- Kategori keluaran pertanian yang berlainan hendaklah mendapatkan Sijil Perakuan Pematuhan yang berasingan.
- Sijil Perakuan Pematuhan yang dikeluarkan hanya sah digunakan bagi sekali kemasukan sahaja.

### 2.0 Surat Pengecualian (Letter Of Exemption):

Surat pengecualian dikeluarkan oleh FAMA bagi mana-mana keluaran pertanian yang tidak tertakluk di bawah peraturan 3P.

Perlaksanaan penguatkuasaan Peraturan 3P di Sabah dan Sarawak ditangguhkan sehingga dimaklumkan kemudian.

## Section B Prosedur "Fallback"

### 1.0 Makluman jika berlaku gangguan kepada sistem

- 1.1 Sekiranya berlaku gangguan kepada sistem eSijil 3P, pihak Dagang Net iaitu Pusat Perkhidmatan Pelanggan ("Careline") akan memaklumkan kepada semua pihak yang terlibat samada melalui faks, sistem pesanan ringkas ("sms") atau email.
- 1.2 Pihak "Careline" juga akan menghantar notis kepada semua pihak terlibat jika gangguan kepada sistem telah pulih sepenuhnya.
- 1.3 Bagi mendapatkan servis "sms", semua pihak terlibat perlu mendaftarkan no telefon bimbit dengan pihak "Careline".

### 2.0 Permohonan Sijil Perakuan Pematuhan secara manual

Permohonan Sijil Perakuan Pematuhan secara manual hanya akan dibenarkan jika terdapat salah satu daripada gangguan-gangguan seperti berikut:

2.1 Pihak FAMA menghadapi masalah dengan talian komunikasi untuk mencapai ("access") Sistem eSijil 3P seperti berikut:

Mod Udara – 15 minit Mod Darat – 15 minit Mod Laut – 30 minit

2.2 Pihak Dagang Net menghadapi masalah dengan talian komunikasi atau rangkaian sistem komputer seperti berikut:

Mod Udara – 15 minit Mod Darat – 15 minit Mod Laut – 30 minit

2.3 Pihak pengguna menghadapi masalah teknikal seperti berikut:

Mod Udara – 15 minit Mod Darat – 15 minit Mod Laut – 30 minit

Pengguna perlu menghubungi pihak Careline bagi mendapatkan surat sokongan permohonan secara manual.

### 3.0 Pengeluaran Sijil Perakuan Pematuhan secara manual

- 3.1 Pemohon hendaklah mengisi borang PK3 (eksport) untuk dibawa ke pejabat FAMA.
- 3.2 Pemohon hendaklah mengisi borang PK4 (import) untuk dibawa ke pejabat MAQIS di pintu masuk.
- 3.3 Setiap permohonan yang dihantar untuk mendapatkan tandatangan daripada pegawai FAMA perlu disertakan dokumen-dokumen berikut:

### Dokumen Eksport:-

- Borang Kastam no.1 (K1) bagi eksport semula sahaja
- Sijil Tempasal (Certificate of Origin) semasa pengimportan bagi eksport semula
- Permit Eksport
- Dokumen-dokumen lain bagi menyokong permohonan

### Dokumen Import:-

- Sijil Pengesahan Gred Negara Pengeksport
- Permit Import
- Inbois
- Bill of Lading/Airway Bill
- Manifest (jika perlu)
- Borang Kastam No. 1 (K1)
- Dokumen-dokumen lain bagi menyokong permohonan
- 3.4 Permohonan Sijil Perakuan Pematuhan untuk eksport, tandatangan boleh diperolehi daripada pegawai FAMA di Ibu Pejabat FAMA dan pejabat-pejabat FAMA negeri.
- 3.5 Permohonan Sijil Perakuan Pematuhan untuk import, tandatangan boleh diperolehi daripada pegawai MAQIS di pintu masuk.
- 3.6 Setiap permohonan yang dihantar untuk mendapatkan kelulusan secara manual daripada pihak FAMA/MAQIS, nombor Sijil Perakuan Pematuhan manual akan diberikan.
- 3.7 Permohonan yang telah diluluskan secara manual akan ditaip semula ke dalam sistem eSijil 3P oleh pihak FAMA/MAQIS.
- 3.8 Hanya pegawai FAMA/MAQIS yang diberi kuasa boleh mengeluarkan Sijil Perakuan Pematuhan secara manual.

### 4.0 Sebarang masalah berkaitan dengan sistem, sila hubungi:

Dagang Net Technologies Sdn Bhd Tower 3, Avenue 5, The Horizon, No. 8, Jalan Kerinchi, Bangsar South, 59200 Kuala Lumpur.

Careline (24 jam)
Tel: 1300 133 133
Talian Antarabangsa: +603-48194800

Fax: +603 2713 2990
Email: careline@dagangnet.com
Web Careline: http://www.dagangnet.com
Waktu Beroperasi: 24 jam (7 hari seminggu)

Ibu pejabat FAMA Bangunan FAMA Point Lot 17304 Jalan Persiaran Satu Bandar Baru Selayang 68100 Batu Caves Selangor

No Telefon: +603-61262020 No. Fax: +603-61383650 Email: <u>3p@fama.gov.my</u> Laman Web: <u>http://www.fama.gov.my</u>

### FAMA

Tn Hj Ishak Abbas No. Telefon: +603-61264005 No. Fax: +603-61202064 Email: ishak@fama.gov.my

FAMA Desk Officers

1. Encik Azizi Azimi Mat Nayan (Luar Negara)
No. Telefon: +603-61381304
No. Fax: +603-61206957
Email: aziziazimi@fama.gov.my

2. Encik Mazwan Aswady Che Mood (Domestik)
No. Telefon: +603-61264000
No. Fax: +603-61202064
Email: mazwan.aswady@fama.gov.my

MAQIS Pn Fauzidah No. Telefon: +603-88704030 Email: fauzidah@moa.gov.my

Kastam

Pn. Rapeah Abd. Hadi: +603-88822663 Email: rapeah.hadi@customs.gov.my

### Lampiran A



Jadual Kelima (Peraturan 8 dan 10) Fifth Schedule (Regulation 8 and 10) No. Sijil: SB\$110705EB100002

PERATURAN-PERATURAN LEMBAGA PEMASARAN PERTANIAN PERSEKUTUAN
(PENGGREDAN,PEMBUNGKUSAN DAN PELABELAN KELUARAN PERTANIAN) 2008
FEDERAL AGRICULTURAL MARKETING AUTHORITY
(GRADING,PACKAGING AND LABELLING OF AGRICULTURAL PRODUCE) REGULATIONS 2008

SIJIL PERAKUAN PEMATUHAN KELUARAN PERTANIAN YANG DIEKSPORT CERTIFICATE OF CONFORMITY OF AGRICULTURAL PRODUCE FOR EXPORT

BUTIR-BUTIR MENGENAI PENGEKSPORT/ PARTICULARS OF EXPORTER									
Nama / Name:	Alamat / Address:								
MEC HOLDINGS (M) SDN BHD	1257-1-9(1 ST F LOOR) CAPITAL INDUSTRIAL CENTRE 6 3/4 MILES 57100 GEORGE TOWN PULAU PINANG								
No.Pendaftaran/No.Perbadanan* / Registration	No. Lesen / License no.: 45747								
no./Corporation no*: B379863W	No. Permit / Permit no.:								
No. Telefon / Phone no: 03-90565166	No. Faks / Fax no: 03-57679987								
BUTIR-BUTIR MENGENAI EKSPORT/ PARTICULARS OF EXPORT									
Jenis Keluaran pertanian / Type of Agricultural produce:	Negara asal / Country of origin:								
BUAH-BUAHAN SEGAR									
Pembungkus / Packer:	Tempat eksport / Place of eksport:								
QWE	KLANG,MALAYSIA								
Cara pengangkutan / Mode of transport:	Destinasi / Destination:								
JALAN RAYA	THAILAND								
PERAKUAN GRED/ GRADE CERTIFICATION									
- MERUJUK LAMPIRAN A - - REFER ATTACHMENT A -									

Kami memperakui bahawa keluaran pertanian yang dinyatakan di atas telah digred, dibungkus dan dilabel mengikut kehendak-kehendak Peraturan-Peraturan Lembaga Pemasaran Pertanian Persekutuan (Penggredan, Pembungkusan, dan Pelabelan Keluaran Pertanian) 2008 / We certify that the agricultural produce specified above have been graded, packaged, and labelled in accordance with the requirements of the Federal Agritural Marketing Authority (Grading, Packaging, and Labelling of Agricultural Produce) Regulations 2008.

Dikeluarkan oleh Lembaga Pemasaran Pertanian Persekutuan Malaysia / Issued by the Federal Agricultural Marketing Authority of Malaysia.

Tarikh dan tempat dikeluarkan / Date and place of issue : 05-Jul-2011 IBU PEJABAT FAMA

Nama pegawai diberi kuasa / Name of authorized officer : Administrator

Tandatangan / Signature :

### - LAMPIRAN A -


 Tarikh Kelulusan:
 05-Jul-2011
 No. Sijil: SBS110705EB100002


Nama Pemohon : MEC HOLDINGS (M) SDN BHD No. Permohonan : P110705EIPF0002

Jenis Keluaran pertanian : BUAH-BUAHAN SEGAR


Bil. No.	Keluaran Pertanian Agricultural produce	Bil. Lot Lot no	Rujukan Pemeriksaan Inspection Reference	Saiz Size	Bil. Bungkusan Package Qty	Gred Grade	Diperiksa Oleh Inspected By	Jenis label Labels type	Anggaran berat Approximate weight
1	Betik eksotika	1	000002/11	L	100 CFB BOX / KOTAK KERTAS/KO TAK GENTIAN BERALUN	Premium	ADMIN	Printed Package	500.00 KGM

### Proses Aliran Kerja Permohonan Sijil 3P Eksport





### Proses Aliran Kerja Permohonan Sijil 3P Import



- 5. Serahkan lapuran pemeriksaa
- 6. Pegawai Pelulus (Approver)
  - Meluluskan permohonan perakuan pematuhan (Pegawai Pelulus boleh menolak sebarang permohonan di atas sebab-sebab yang munasabah)
- 7. Mengeluarkan Perakuan Pematuhan 3P (Konsainan yang mematuhi 3P, setelah diluluskan, secara automatik mengeluarkan Sijil Perakuan Pematuhan melalui sistem eSijil)
- 8. Mematuhi Keperluan Akta-Akta Lain.
  - Akta Kuarantin Tumbuhan 1976 [Akta 167] /
  - Akta Perkhidmatan Kuarantin dan Pemeriksaan Malaysia, 2010
  - Pelepasan konsainan akan dilaksanakan setelah keperluan Undang-undang bertulis lain dipatuhi
- Pelepasan Konsainan (Pelepasan melalui SMK/Port System/Manual)

Selesai